


S' SCHNAPP -



L
Ü
F
T
L
I

USSGOOB 1/90

MUTATIONE UND EEHREMÄLDIGE PRO 1990

SISCHTIERIG



Stämpfli Ralph
Hardstr. 29
4133 Pratteln

Gebore : 1963

FUNGGTIONE

Vordrähler
Bauchef (Requisit)
Material

Unsere Verdiente Bauchef und Gründigsmiglied, wott für (vorerscht) e Joor, emol e chli Rueh vor uns... är duet pausiere.

NEU-YYTRITT



Zurfluh Felix
Giornicostr. 22
4053 Basel
Tel. 331 40 27

Gebore: 1957

FUNGGTION

Vordrähler

Zur Freud vo allne Aggtive, hämmer in dr Person vom Felix e Super - Vordrähler gfunde.

EEHREMITGLIED



Kunz Beatrice
Am Zunftackerrain 9B
4133 Pratteln

LAISCHTIGE

Was Sie und Ihre Benno alles laischte, hätt an dere Schtell sicher kai Platz kha !!

D'Beatrice, isch also nach dr Tante Lotti, unser zwait's Ehremitglied und somit au befreit vo allene By-träg.

LAMPE STATT LÄMPE

Zum erschte Mool syt 44 Joor isch uff dr Blaggedde wider e Ladärne - E Wunder-Lampe sogar. Dr Kinschtler setzt grad aa zum letschte Bämseldupf. Drnoo goht d'Ladättere drey Daag uff d'Gass zum zaige, wie me z'Basel abrächnet, wo s'Joor duure scheps gloffen isch. Mit Värs und Gaischt, mit Witz und Farbe; öbbe mit Lampe statt Lämpe. Die Blaggedde isch scho dr siebt Wurf vom Peter Zepf. Und dr René Müller (nitt unsere!) hett wider drfür gluegt, dass sy guet grooten isch.



Sujet :

S isch gruusig nass und bitter kalt,
aber die Spinner liige freiwillig in Wald

Dr Vortrab
d'Pfyffer
S Requisit
Dr Major

Primitiv, stinggig und nit ganz geheuer..oder ganz
aifach "Am Anfang war das Feuer"
Ohni rüttle und schüttle hebbt unseri Hütte
s Färnseh het is s grosse Vorbild us dr
Staizyt... dr Fred Feuerstein gschiggt

UNSERI 7-TI ... WIDER EMOL 'AU GRAND COMPLET

Wär hätt das Dänggt ... no e Wuche vorhär Sturm (150km/h), chutte und chatze-hagle und denn ... unseri schönschti und sunnigschti Fasnacht syt Gründig.

Punggt 4h00 (mir sinn glaub nitt die ainzige gsi!) hämmer am Tinguely e wunderschöne Morgeschtraich & dodrmit d'Fasnacht'90 gschtartet. S'isch gloffe wie sälte, denn mir hänn bis zum Märthof (wo's z'Morge gäh hett) chönne duurezieh.

Am Nomidaag, bym Cortège isch's denn aber au gloffe, nur dasmool im negative Sinn. Statt, dass mir d'Route flüssig ... simmer in dr stächende Sunne, stehend (s'gschtaffleti Cortège isch dasjoor total in d'Hose!), in unserne digge Pelzkoschtüüm eher uss-'gloffe'. Entsprächend isch's denn umso flüssigerzuegange, wenn mir by de Hält d'Wyy-Korke hänn knalle losse. Mit unserem Sujet 's'isch gruusig nass & bitter kalt, aber die Spinner ligge freiwillig in Wald', hämmer natürrlich uff die beliebti Färnseh-Reportasch 'Eins zu Eins/Steinzeit' abzielt. D'Tante Lotti & au d'Beatrice hänn Goschtüüm-

technisch unseri Idee optimal chönne umsetze ... i glaub, s'hett gfalle. E 'grand compliment' au an unseri Larvemacher (Fam. Dildi) wo uns schööni Lötchetalmasgge (im Ralphi hett's passt) mit prächtige Perügge gfertigt hänn. Im Requisit, wo wie allewyl unsere Ralph (mit




Gattin) künschtlet hett, hämmer imme Riese-Topf e gluschtig 'Survival-Menu' (Schnägge, Heugumper, Spinne, Würm etc.) aagriehrt.

Als ein vo de Höhepünggt möcht ych aber dr Zyschtig bezeichne. Mit unserne mitlerwyle 9 Binggis simmer alli (also au die Glaine) im Pierrot gloffe ... s'isch wirklich zauberhaft gsi. Au mitgwagglet isch denn dr Frangg (Jipp, Jipp, Jipp ... dr Gwünner vo unserer Silveschter-Masgge-Prämierig), är isch dort aber wäsentlich weniger uffgfalle, als no im Schyyweekend. Abschliessend möcht ych sage ... passend zum Wätter, hämmer e super Fasnacht'90 kha ... es isch sauglatt gsi.

MARCO





Am zwaite Bummelsunntig, demorge am viertel vor Zähni, hämmer is alli (bis uf zwai Fuessballer - s'git nit wichtigers!) uf em Märktplatz troffe. Wie immer het nur s'Ok, s'Claudia und dr Pascal, gwisst woos aane ghot. Vo dört us sin mir Richtig Schifffländi ufs Schiff gange. Während dere anderthalbstündige Rundfahrt uffem Ryy, hetts dene e herrligs Zmoorge geh (kaini suure Läberli), derfür gli drufabe e bitzeli Wyse. Aaschliessend hämmer relativ zügig uffs Drämli miesse. S'isch uf e Bahnhof gange.

Dört sin dene au dr'Marco und dr Werni zuenis gschoose.

Mit em Zug (s'het söttigi geh die sin fascht verdurschdet - kai Wyse derbi - und das bi de Luftschnapperli!!) isches bis Laufeburg gange, unser Aendzyl.

Nachm uusschtiege, dr Zug isch scho abgfahre, het dr Mull dr erschi Schregge griegt, si Huet isch e weg gsi, im Zug ligge loh!! Mit em Marco zeme ischer denne go e Vermissteaazeig bim Bahnhofsvorschtand go uffgeh. Jä, Jä, wenn bim Mull nit alles aagwachse wär!?

Mit Gässle isches wyter zue dr Baiz gange wo's e längere Uffenthalt geh het. (Nur wege dr langsame Bedienig!?)

Nochher isches widder ins Städtli und an Ryy go Gässle gange, mit klainer Durschtpause.


Jo, und denne hämmer is scho uf e Retourweg miese mache. Denn am Bahnhof z'Basel het s'Beatrice und dr Benno wie allewyl mit Silserli, Wyse und andere schöne und feine Sache uf is gwartet. (Merci, Merci, Merci)

Und scho isch yygschtande worde fir die berüchtigti Freie abe z'schteche. (s'het Lyt kha wie sälte zvor und däm entschbrechend isch au dr Schtou gsi)

Nacheme klainere zwüschehalt uf em Marktplatz, e paar Gönner hän e Rundi Wyse uusgeh, - au dene viele Dangg -, sin mir uufbroche zue de letschte Runde in de uns beschtens verdraute Gässli.

Pinggtlich!! am Zäni sin mir nonemool bim Tinguely-Brunne yygschtande und hän dr Faasnacht aadie gsait.

Claudia + Pascal



USS LUTTER SYMPATHIE, ZUE UNSERER LIEBE SCHAGGI

WAADTLÄNDER SAUCISSON EN CROUTE

Für 4 Personen

1 Waadtländer Saucisson a ca. 600 g	
1 Lorbeerblatt	1 grosse Zwiebel
1 Zwiebel	1 Esslöffel Senf
3 dl Weisswein	250 g Blätterteig
2 dl Wasser	1 Eigelb zum Bestreichen

Die Wurst mit dem Lorbeerblatt und der Zwiebel in einen Topf geben. Den Weisswein und das Wasser dazugiessen und langsam aufkochen. Die Hitze zurückstellen und die Wurst 20Min. bei kleiner Hitze ziehen lassen. Die Wurst aus dem Sud nehmen und erkalten lassen, dann vorsichtig schälen. Die Butter in einer Bratpfanne erwärmen und die feingehackte Zwiebel hellgelb dämpfen. Den Blätterteig nicht zu dünn auswallen und die gedämpfte Zwiebel darauf verteilen. Einen Rand auf allen Seiten frei lassen. Die Wurst mit Senf bestreichen und in die Mitte legen. Die Wurst im Teig einschlagen und die Ränder sorgfältig zukleben. Mit dem leicht verquirlten Eigelb bestreichen und im vorgeheizten Backofen bei 200 Grad 20 - 25 Min. goldbraun backen. Warm servieren.

Tip : Einen würzigen Senf zur Wurst servieren.

SILVESCHTER-PLAUSCH 89/90

UntereM Motto: Stars & Persönlichkaite uss Sport/Politigg/Färneseh/Film etc., hänn sich am 31.12.1989 (uff das wäre dr sicher nitt cho?!) d'Luftschnapperli (Aggtivi) & seine Freunde (total 37 Persoone ... meh hänn laider nitt Platz kha) zämme gfunde. I glaub ohni z'blöffe dörf me sage ... das isch e Speggdagggel gsi!! Wie bekannt mir mitlerwyle sinn, seht me do dra, wär uns an däm Oobe alles d'Eehr ghä hett (das glaubsch nitt). Ych möcht's dorum au nitt misse, nochstehend die sogenannte (z.T. sälschternante) 'Stars' ainzeln uffz'fiehre:



Queen Elisabeth, Dr. A. Einstein, Elton John, Madonna, Tina Turner (2), Cher, Cindy Lauper, Harrold LLOYD, Mozart, Dick & Doof, Fred Astaire, Pipi Langstrumpf (3), Nina Hagen, Roberto Blanco, Boris Becker, Dracula, dr Grien Duume, dr HD Lämppli, s'Chrischt-Chindli, Rocky Balboa, Louis XVI, Crocodile Dundee, Wilhelm Tell, Mickey & Mini Mouse, dr Santi-Chlaus, Cleopatra, Charly Chaplin (3), Jäger d/verlorenen Schatz & dr Batman.





Hai isch das e gegixe & gekraische gsi (wie in de guete alte Beatles-Zytte), wo die alli yygloffe sinn.

Nacheme Begriessig's-Apéro hett's denn e fein's Chinois-am Stägge gä. Aaschliessend an e gluschtigs Dessert-Bufferet simmer denn mitere Polonaise voruuse gange um dr Uebergang bymene glaine Füürwärgg z'begiesse. E wytere höhepunggt isch denn sicher d'Masgge-Prämierig worde, wo bi däre Vielzahl vo tolle Masgge (s'hätte eigentlich alli e Bryys verdient kha!) wahnsinnig schwer gsi isch. S'Renne gmacht hett schliesslich (1. Brys = 1 Goldblaggede & s'mitlaufe am Fasnacht's-Zyschtig) 's'Chrischt-Chindli' ganz knapp vorem 'Wilhelm (Guillaume) Tell'. Mittlerwyle hänn die Persönlichkaite ihri Aalüüre abgelegt kha & me hett zue flotte Disco-Kläng danzt bis in Morgen'ine. Das isch e Bild gsi, wo d'Queen mit em Santi-Chlaus Lambada danzt hett.

MARCO

Ps: Wie mir im Baslerstab/8.1.1990 hänn dörfe entnäh, hett's un-serne Gescht glaub ganz guet gfalle.

Baslerstab mit

GEBURTSTAG, VERLOBUNG, HEIRAT, BABY, SCHULANFANG, BESTANDENE PRÜFUNG ODER HOCHZEITSTAG???

Sagen Sie's doch mal anstelle von Blumen durch ein **Überraschungsinserat** im BASLERSTAB.

Und so wird's gemacht:

Talon ausfüllen, Geld je nach Felderbelegung beilegen und dem **Baslerstab, Schlüsselberg 4, 4001 Basel**, mit dem Vermerk «Baslerstab mit Herz» zusenden. Empfehlung: einschreiben.

Viel Spass beim Lesen Ihres Glückwunsches.

◆
D'Luftschnapperli
 häns total im Griff ka. («d'VIP's»
 natürlich au)
D'Silvesternacht isch e Bombe
gsi!
 Congratulations im Name vo
de Gladene: °/oo.



Presseinformation



GRUCHTE-CHUCHI

Stimmt, dass...

- ... unsere **Werni** an dr Fasnacht '90 viel mit em legendäre 'Sitting Bull' gemeinsam kha hett. Nitt nur, dass är in de Baize immer am lengschte hogge bliben'isch & gsoffe hett wie ne Bulle, nai wenn är d'Larve abzooge hett, isch är mit sym wysse Stirnband däm grosse Indianer wie uss em Gsicht gschnitte gsi.
- ... es jetzt schyyns au 'Fabelhaft ist Apfelsaft'-Pellerine mit Aermel gitt.
- ... es nitt nur im Gross-Basel, sondern sytt neuschtem au in Laufe e 'Lälle-König' gitt ... oder **Rémy**?
- ... dr **Wäägi** schyyns en Ydraag im Guinness-Buch der Rekorde aasträbht ... 'wie verscherzt man sich in nur 3 Monaten seinen guten Ruf?'
- ... d'Gmaind Allschwil, wäge extrem starke Sturm-Böe, en absolut's 'Holz-Läde'-Verbott beschlosse hett. Also wenn's ammel uss däre Richtig gchlapperet hett, sinn das nitt d'Schwellemer-Störch sondern d'**Eigemaa**-Läde gsi.
- ... **Mike**, unser Yeti, nach seiner so erfolgreichen Diemtigtal-Expedition von Reinhold Messmer für seine nächste Himalaya-Tour aufgeboden wurde.

SCHYYWEEK-END 'GRIMMIALP'

Nachem grosse Erfolg vo unsere Erscht-Ussgob 1988 & entsprächender nochfroog, simmer am 10./11.2.1990 wider mit unserne Gönner ins Schyyweekend gfare. Glych blibe isch drby:d'Fahrt im komfortable Luftschnapperli-Bus; die schlächte Schneeverhältnis (s'hett sogar no weniger kha!) & d'Dailnähmerzahl isch au öppe glych blibe (36 mit de Aggtive). Neu gsi isch: Mir sinn nüm in e Hotel, sondern ellai inere urchig-gmietliche Hütte go huuse; durch das hämmer dr ganzi

Yykauf & dr Transport vo däne viele Frässalie sälber miesse organisiere (...huch!). Gschtande isch die Hütte (... & i glaub si schtobt immer no!?) uff dr Grimmialp im schöne (normalerwys) Diemtigtal. Nacheme feine z'Morge, wo unseri 'Hostesse' wider im Bus serviert hänn, isch's grosse improvisiere



au scho los gange (... hai, hänn mir ammel gschwitzt!). Z'erscht simmer uff Zwaisimme gfare, wo unsere Rennlaiter Mull e Riese hett usstegge loo. Wäge total verysteter Pischte (Verletzigs-Gfloor!) hämmer aber dä Zauber bald scho miesse abblouse. Alli zrug in Bus und wyter uff Saanemöser, wo

d'Verhältnis e bitzeli besser ..., aber immer no rächt mies gsi sinn. do sinn die maischte wenigstens no e bitz zum schyyfahre cho. Dr gröscht Horror isch denn aber erscht gegen'Oobe cho. Vo Saanemöser simmer denn ins Diemtigtal gfare und sinn alli (au s'OK) überrascht gsi, wo uns dr Mike Yygangs Schwände ab dr Stroos gwungge hett. Aer hett uns dort alli zummene Apéro (an däre Stell nomol e hä rzlig Danggerscheen em Mike!) yyglade. Dr Nochedail isch numme gsi, dass es 1. inzwüsche dunggel worde



isch; 2. dr planti Fuesswäg total veryyst & dodurch nitt begehbar gsi isch & 3. hett's au no aagfange z'rägne?!? Also wie dr sehnt isch d'Katastrophe vorprogrammiert gsi & au prompt ytroffe (nomol e grosse 'sorry' an alli, insbunderi an André ... , aber s'OK hett glaub wirklich nütt drfür chönne!!!). Vo jetzt a isch's aber nur no besser bis höllisch worde. Mir hänn e Hüttesfescht erläbt, dass sich d'Bälge booge hänn ... aifach super! Statt e Schyrenne, hett e gloosti Juri, s'beschte Fondue miese prämiere. Die jewilige Equipe, wo die Chäs-Suppe (gäll Lotti) uffem Rechaud hänn miese sälber choche, sinn natürrlich au ussgloost worde ... e riese Gaudi! (Aam. Redagtion: S'Juri-Mitglied Claudia E. verstooht vo Fondue öppe glych viel, wie'ne Chue vom Spanisch!). Nacheme nass-fröhliche Fescht (& nachdäm me sich s'Menu nomol hett dure Chopf lo go ... gäll Willi!) sinn denn au die letschte in d'Masseschleeg go ligge. Am Sunntigmorge, wo mir nüm sinn go 'Grasfahre' isch denn ändlich dr lang ersehnti Neuschnee (ca. 20cm) gfalle. Nacheme gediegene z'Morge-Buffet isch denn s'grosse Spiel-Fieber (Jass, Malefiz etc.) ussbroche. Die wo nitt gspielt hänn, hänn jetzt putzt & gfägt & gruunt (nomol merci allne Hälfer), dass mir d'Hütte mit 'compliment' hänn chönne abgäh. Yne in Bus, e paar Wienerli verdrugge & gmietlich haimgondede.

Résumé: Trotz ainige Negativ-Pünggt (dr Uffstieg isch schyyns herter gsi als e Gebirgs-RS!) dörf me's als volle Erfolg wärte ... oder?



MARCO



ES KAMEN ZUR WELT	50. GEBURTSDAAG
<p data-bbox="497 1026 701 1066">26.2.1990</p> <p data-bbox="367 1119 892 1231">Fabienne Böni, Tochter des Roland und der Antoinette, geb. Ehrler</p> <p data-bbox="497 1332 720 1372">21.12.1989</p> <p data-bbox="367 1431 892 1542">Sarina Zurfluh, Tochter des Ruedi und der Franziska, geb. Rudin</p>	<p data-bbox="1315 1026 1519 1066">24.1.1990</p> <p data-bbox="1080 1125 1740 1236">Beatrice Kunz, geb. Burger - meister, Am Zunftackerrain 9B 4133 <u>Pratteln</u></p> <p data-bbox="1315 1332 1519 1372">29.1.1990</p> <p data-bbox="1080 1431 1740 1542">Marianne Hügli, geb. Häuser - mann, Burgfelderweg 29 4123 <u>Allschwil</u></p>
ES HABEN GEHEIRATET	30. GEBURTSDAAG
<p data-bbox="497 1824 682 1864">5.5.1990</p> <p data-bbox="311 1923 990 2034">Christen, André, Rheinstr.40 und Becker, Karin, Rheinstr.40 in 4127 <u>Birsfelden</u></p>	<p data-bbox="1315 1824 1482 1864">1.4.1990</p> <p data-bbox="1089 1923 1727 2034">Jacqueline Schmid, geb. Kunz 20, Praz Séchaud, 1010 <u>Lausanne</u></p>



Vocabulaire carnavalesque

2. DAIL
F - J

VO
DE



F

faire sa caisse
Fais des concessions
le fatalisme de la Bernoise
les fentes sur le côté
le feu qui vient
la figue aux oreilles
le fin-bec
le firmament
la fixité
une Florentine
le fondateur de gueule de bois
la force du lendemain
les fourures pourries
le foutre
François le potage
le Frédéric des fleurs
les fresquistes
la friture
le fromage de la cathédrale
le front du singe
frotter l'abbé
le frotteur du pays
le fumier
le fumier de chaîne

Käse machen
Giebenach (Oberrammelbiet)
d'Bärnere faht a lisme
die Seiten-Sprünge
die Feuerwehr kommt
d'Ohrfyge
der Feinbäcker
die Firma am Ende
die fixe Idee
e Floh rennt ine
der Brandstifter
der Furz des Landammanns
die Faulpelze
das Futter
Franz von Soupé
dr Bluemefritz
die Fresskisten
die freie Türe
der Münsterkäse
der Affront
abtreiben
der Landstreicher
der Raucher
der Kettenraucher

G

dr Guckel
d'Gritzer
d'Grumberä
d'Gille
la galbe du monde
la galopene
le garçon pointu
la gazelle
une Geisha
gickse
le giscard
gittig
le Globus
le grand rouge
le gras-double
dr Grattel
le gros-bec bras-poitrine
la grotte des arts
Güete Bonjour Clique 1989

dr Güggel
die Zündhölzer
die Kartoffel
die Gülle
das Mond-Kalb
die Rennerei
der Spitzbube
s'Kätzli
e Geiss ha
lachen
dr Güllewaage
schnell
der 00-Wagen
dr Grossroot
dr Dubel im Gras
der Grössenwahn
dr Grossbäcker Arm-bruster
d'Kuntheeli
50 Jahre Guten Morgen Gesellschaft

les guerres vers les côtés
Guillaume-à-bientôt
le gymnaste solo
la légumoiselle

die Seiten-Gewehre
Willibald
dr Solothurner
d'Gmieslere

H

d'Häweschupfla
habiller la mère de la vis
le haut-temps
l'hématose de l'hospitalier
le hosanna
le Hubertus
hüpse

die Hafer-Stoppeln (a.d. Feld)
die Schrauben-Mutter anziehen
die Hochzeit
s'Hemd und d'Hose vom Spitteler
d'Hose vo dr Anna
dr Hueber isch duss
hüpfen

I

ici sans purée
l'idée d'eau-de-vie
il a une crevasse dans sa soupière
il conduit une grande soupape
il est philanthrope
il mangea marmelade de Rotterdam
il me faut un clystère
il monte sur un mois
il m'est saucisson de chien
l'incendie pleurant
insidieusement
intimiste

Hier-ony-mus
die Schnapsidee
är het e Schprung in dr Schüssle
er führt eine grosse Klappe
er ist viel in den Tropen
Er-as-mus von Rotterdam
i muess e chly störe
er besteigt einen Schimmel
s'isch mir Hundewurscht
der Wein-Brand
insider-gemäss
einer in deinem Mist

J

la jambe à plier
la jambe d'honte
la jambe en glace
le jass des jambes
le jass des jambes aux pastilles
je corridor
je maison
je ne te porte rien en arrière
je ne veux pas frire
je te parapluierei
je te pompe un faneur
je veux liberté
Jean le saucisson
le jeteur de billets
le jeu avec l'oeuf assis sur glace
la joie dans la laine
joli sein
le joug des petites casquettes

das Falz-Bein
das Scham-Bein
das Eis-Bein
dr Bajass
dr Blätzli-Bajass
i gang
i hau's
ich trage dir nichts nach
ich will nicht frieren
ich werde dich beschirmen
ich pumpe dir einen Heuer
ich will lieber Tee
dr Hans-Wurscht
der Scheinwerfer
das Eis-Hock-ey-spiel
die Woll-Lust
ein Tscholi sein
s'Käppeli-Joch

